

靈巖山人詩集

靈巖山人詩集目錄

第二十一卷 古今體詩

萍心漫草

初發都門宿良鄉旅館竟夜大雪不寐偶成

過雄縣訪王四應亭道亭明府並晤曳星文亭

瀛上迴亭三昆季翦燈話舊卽席賦贈

夜行趙北口

德州旅舍夢還家醒而有作二首

濟南試院謁房師大理少卿張墨莊若漣先生

款留信宿敬呈二律

泛舟大明湖

泰安道中雪

蒙陰曉發

遊雲龍山登張山人放鶴亭

著雍困敦

元旦渡黃河二首

淮上遇劉給事竹軒程庶常晴嵐沉兼以志別

瓜步晚泊

大風望黃天蕩

宿金山臨江閣先寄鮑中翰雅堂之鍾

訪雅堂賦贈

再宿臨江閣與雅堂夜話

寄懷王夢樓同年時官臨安

舟夜偶書

望崑山

上元夕抵家得詩四首

歸靈巖草堂

山居偶作

虎邱雜詩四首

山塘感舊

重遊水木明瑟園

重過桐橋卽事有作

橫塘曲

與顧星橋宋泰遊支硎遇中峯詩僧念亭

寒山別墅

呈歸愚先生二首

西行有日 太夫人以路遠不允迎養臨別敬

賦寫懷

別友

放舟

梁溪舟次寄吳門同學諸子

過毗陵喜晤蔣四侍御蓉龕和寧前輩

丹陽阻風有作

句容道上

望句曲山

孝陵詠古四首

重過隨園訪袁簡齋前輩不值卽題小倉山房

壁

山寺訪藥根上人

登浦口敵臺口占

烏衣巷

曉行滁州道中題句寄都中舊友

清流關

滁州過南滁王廟

郭子興

遊醉翁亭

符離平宋張魏公潰師處

壽陽道中

宿州旅店見尹六似村題壁詩步原韻封寄三首

次西三舖王書田秀才率弟子來謁出素紙索句口占二絕贈之

宿花莊戲同行者

臨淮

題旅次壁

會亭驛食櫻桃

憩五女店喜雨

拾菴澗

蔡順拾菴處

襄城道中作

洛陽旅館題壁

望嵩嶽三首

古白楊關

臥鐘歌

河底鎮山行

百福鎮夜雨

嶠陵弔古

行至峽石聞家人已抵西安口占寄內

潼關

望華嶽

宋冠萊公祠四首

渭南旅館阻雨遣懷作

鳳凰原

灞橋

靈巖山人詩集卷二十一

鎮洋畢沅秋帆

一字
懷衛

萍心漫草

初發都門宿良鄉旅館竟夜大雪不寐偶成

行蹤去及雁迴先冰滑風鬣馬怯鞭宦海安心嘗冷味田
家占候識豐年寒禁茅店難圓夢歸續梅花未了綠十二
瓊樓天一色不知何處著神仙

過雄縣訪王四應亭

道亭

明府並晤曳星

文亭

瀛

上遇亭

三昆季翦燈話舊卽席賦贈

銀塘柳暗喚提壺夜雨聯牀侶不孤同拜西銘聽講易並
叨北郭濫吹竽夢迴瓊島鞭摧鳳花滿琴堂烏化鳬小別

十年青鬢改重言舊事總模黏

夜行趙北口

雲沍沍月昏昏冰堅雪凍白一痕犬聲如豹吠水村夜市
無人深閉門縷隄灣環抱清淀衰柳千株萬株拂我面風
稜砭骨霜刻膚搖漾鞭絲舉手戰狐裘直比葛衣輕驢鐸
淒咽荒雞鳴茅店酒旗望無影僕夫告予譙鼓打四更嗟
予勞勞苦行役少壯景光擲可惜敲門投宿星月殘土銼
無火廚無餐

德州旅舍夢還家醒而有作二首

入門喜見白頭親一枕南柯境逼真忽被荒雞啼夢破殘
燈仍照異鄉身

轆轤車聲客緒紛青山一髮近南雲不知襖被還山日老
屋梅花放幾分

濟南試院謁房師大理少卿張墨莊

若淮先生款

留信宿敬呈二律

龍眠門望舊儀型試院簾垂積雪局風凜鐵冠司北寺手
提珊網截東溟涵濡雅化期千古陶鑄鴻才首六經幾日
弦歌聲在耳春迴岱嶽放遙青

席帽秋風入洛時青袍如草拜經帷玉溪章奏曾親授嶽
麓淵源自得師高第盛名國士遇寒燈閒話故園思今宵
官閣追前事慘綠門生鬢已絲

泛舟大明湖

清濟貫華泉伏流忽迸出激而爲珍珠噴而爲豹突北郭
瀟淨池濠梁境恍惚魚鳥往無違森森雲泉窟信宿滯名
邦清遊興飛越招招喚小舟一葉似精室蕩槩放中流水
木澹明悲此時冬已盡陽和透景物波間春信迴綠意新
萍活兩點鵲華山煙霧半迷滅攬勝歷下亭裙屐風流歇
名士久星散繼聲鮮奇崛詩人漁洋翁句成矜擊鉢恨我
生後時未獲奉翦拂長吟秋柳篇飄飄帶仙骨大雅嗣音
誰俯仰增忉怛宿鳥投深林玉餅酒已竭蒼茫暝色赴歸
思極天末咿啞柔艣聲搖碎鏡中月

泰安道中雪

倚天嶽勢轟嶙峋釀雪輕陰漸作春袖底泰山雲一片攜

同秦隴布甘霖

時隴西大旱

蒙陰曉發

馬蹏塵影惜怱怱，目斷吳頭幾點鴻。
晚店酒醒殘雪後，曉程夢落亂山中。
飛蓬捲地嗟途遠，爆竹喧天喜歲豐。
客緒亂如隄畔柳，任風披拂各西東。

遊雲龍山登張山人放鶴亭

雲龍山高壓河曲，曲曲黃流繞山麓。
翠微罨畫聳孤亭，尙留北宋高人躅。
山人遯世深入林，仙蹤伴結雙胎禽。
朝看放鶴暮招鶴，白雲片片吹閒心。
趺憩松陰玩鶴舞，掃花石上彈瑤琴。
鴻都小謫玉局叟，河復詩成慕雲岫。
羽衣吹笛坐黃樓，相逢塵外交情厚。
奇文一記足千秋，亭以人傳兩

不朽眄眼滄桑變幾迴人生安得如鶴壽名流勝蹟漸模糊
黏影入寥天鶴夢孤碧落悠悠去不返空瞻華表弔髯蘇
吁嗟乎鶴兮珠林枝折芝田蕪青山無恙曷不歸來乎
著雍困敦

元日渡黃河二首

水國村村鬧鼓簫五更微覺浪聲驕不知身臥孤篷底猶
擁雲衾夢早朝
火輪湧出曙光融萬象春浮大澤中忽聽長年傳吉語元
辰快得一帆風

淮上遇劉給事竹軒程庶常晴嵐

沆

兼以志別

橐筆同登白玉堂歡場閒逗少年狂三人蘭契徵同臭兩

院花陰共異香

在京與竹軒
比鄰而居

宦迹漫矜前後輩歸心久戀水

雲鄉重期後會知何日前路萍蹤總渺茫

瓜步晚泊

酒美梅香客乍還布帆晚卸碧蘆灣空江水濶疑無岸遠
樹煙濃似有山鳥入餘霞明滅裏潮來落照渺茫間漁家
鎮日渾高臥贏得輕鷗一樣閒

大風望黃天蕩

峯峭立潮頭風帆下急流山隨江不斷天與地俱浮身世
真無著魚龍不自由眼前輕涉險底處泊孤舟

宿金山臨江閣先寄鮑中翰雅堂之鍾

駭浪空掀一葉舟記曾除夕賦登樓

辛未除夕渡江中流
阻風泊舟金山度歲

海吞

天塹開雙島地擁雲陽控五州山名十七年驚彈指過五
千里待掛帆游明朝快挹如蘭臭駒繫應爲信宿留

訪雅堂賦贈

江頭融景漸催梅蠟屐衝泥訪友來詞賦清名居異等江
山靈氣洩奇才十年聽雨裁箋素一夕挑燈共酒杯只悵
舊游星散盡謂夢樓冬友兩人同上妙高臺時約同游金焦

再宿臨江閣與雅堂夜話

煙凝碧樹暗朱甍今雨聯牀對短檠山寺清鐘雲外濕江
樓紅日夜中生蘭成射策虛前夢徐孺留賓共此情一寸
心期千古事波光宵閃佛燈明

寄懷王夢樓同年時官臨安

窺窗浮玉望模糊更憶長安舊酒徒一枕游仙同入夢雙
萍泛海各殊途斗看東指飛鳥疾水不西流雙鯉紆莫被
江靈貽笑柄歸田成約誓非誣

舟夜偶書

整近鼓逢逢船牕鐙影紅江流平似鏡新月曲如弓夢出
人情外寒生雁叫中經營原我輩未敢怨飄蓬

望崑山

路近心還遠家門隔半程風光饒綺麗城郭記分明酒價
豐年減鄉音久客生吳淞春水碧澹蕩寫離情

上元夕抵家得詩四首

夾岸人家雞犬喧落篷時候過黃昏橋南門巷燈光裏頭

白扶鳩正倚門

渺渺吳淞路轉遙星河絡角麗層霄金錢費盡千回卜難
得團圓是此宵

北鴈書傳路阻艱年年慈夢夜空還登堂喜極翻無語秉
燭先看遊子顏

錦幔銀花夜色妍日歸纔及試燈天桂輪皎潔萱枝茂天
上人間一樣圓

歸靈巖草堂

老鶴司園柵歡迎導我前松枯藤走蔓砌壞竹行篴魚鳥
疑生客風花憶昔年勞勞塵土面羞鑒在山泉

繡盡蒼苔色扶闌上石臺廊虛雲偶到窻鎖月空迴畫壁

延蝸跡圍屏汚麝煤禁寒梅未放似待主人來

山居偶作

書籤親整幔親鈎多謝山靈許暫休何物安排款歸客萬
枝香雪一扁舟

虎邱雜詩四首

不到茲山十二年塵牆零落舊詩篇
柘枝已嫁楊枝老處
處重尋未了緣

背牆餘燄暗長檠半怯春寒半宿醒
驚醒小紅樓上夢街
頭初曉賣花聲

花開笑靨柳低眉二月中旬日落遲
我自傷春春不管真
娘墓畔立多時

客散歌停酒易醒
夜分偶上可中亭
風鈴不語山門閉
竹裏飛來月亦青

山塘感舊

霧閣風簾畫檻臨
綠楊隄外碧江潯
情痕睂底覘濃淡
春信花前測淺深
芳影自憐齊錦瑟
幽期誰與辨瑤琴
亂香何處埋蘇小
紅雨宵酣記抱衾

重遊水木明瑟園

少臥研山堂
湖山歸一覽
名園舊遊地
風景不少減
賦擬小長蘆
提筆仍未敢
銀塘明鏡開
依稀見茗剡
帷林敞幽軒
坐疑乘畫艦
喬木環爲墉
奇石聚成檻
老梅背窻開
空庭落數點
微風偶披拂
池光亦潏灑
方塘系青萍
圓盤貼

翠艾萬山圍一閣經雨綠新染沿隄石徑平苔片大如毯
柴柵架樹成淨帶白雲掩逶迤歷坡陀偃偃入巖穴杏蔬
關緋衫梨花低粉臉布罌莎亭蛛營巢薜榭蘢靈巖天平
問奇境勝全攬石瘦古藤纏林密濃煙黯風捲松濤來如
有萬夫喊果熟尙無期盡供蒼鼠噉小憩據雲根觸景忽
生感老屋婁江濱林塘頗幽澹雙柏碧陰陰萬花紅閃閃
桐瓢雨颼颼荷蓋風磨颭自踏東華月年華頓荏苒攀牆
半傾頽鶴砦已搖撼曲闌朽吐菌三徑荒生嫌邪蒿何人
芟惡竹無因斬重尋幽境幽歸興詎能貶偶爾此盤桓曉
昏看厓隙又恐四無鄰屋古眠易魘訂約遂初衣餘味留
橄欖歸舟江月落城樓鼓坎坎

重過桐橋卽事有作

橫塘一水碧遙遙爲訪前游蕩畫橈花裏旗亭人喚酒橋
邊鐙舫客吹簫情難自禁先期在事到無成妄念消惆悵
昔年妝閣畔垂楊不見舊長條

橫塘曲

打槳度橫塘撥轉波心月驚起兩鴛鴦隔花何處歇

與顧星橋宗泰遊支硎遇中峯詩僧念亭

古洞雲封戶清泉去亦迴萬松高閣雨一佛半身苔被酒
朱顏在逢山青眼開可知吾道重問字有僧來

寒山別墅

山靈應笑我奇境久忘歸石腳鉤雲住鐘聲挾鳥飛滿

圍削壁瘦骨怯春衣林際禪房近孤燈出翠微

呈歸愚先生二首

蘆溝祖帳萃羣英重拜元亭歲七更

辛巳歲先生祝象香山南歸門下士在都者俱

綴入都圖

祖錢于蘆溝橋

當代詩人無老輩卽今

天子有門生

御賜詩有天子門生更故人之句

春秋甲子尊者宿壇坫東南

仗主盟曾記心香拈一瓣終思碧海掣長鯨

幾閱先天不老春松心柏性練精神傳經伏勝垂黃髮授
几桓榮侍紫宸清廟和鸞誰繼響碧城瘦鶴自前身古來
文苑中人物晚達如師有幾人

西行有日

太夫人以路遠不允迎養臨別敬賦

寫懷

弁山舊書堂庭蔭雙株柏上巢返哺鳥啞啞啼晨夕憫予
鳥不如頻年苦行役少走長安道青衫事挾策幸依三島
樹名氏注仙籍思親在遠道宴寢不安席北堂萱花枝入
夢時驚嚇陳情請解組重整阮家屐我母遣長鬚手書寄
江驛上題平安字下言家食迫汝叨上第榮陰鷲賴祖澤
克紹堂構基光大是汝責老身尙康強曷遽戀泉石丁寧
復誥誠寸緘語千百斂斂淚珠零拭紙再三繹將母願尙
違定省天涯隔雲山一萬重愁思日紛積羝羊占觸藩籠
鶴阻奮翮卒讀南陔詩俯仰總跼踖飛光轉雙輪七見星
霜易昨冬擢隴右走馬流沙磧急告旋里門草沒子雲宅
入門拜慈闈扶杖訝鶴瘠昔別顏尙丹今歸頭已白仙莫

倏載零愛日等疇昔明知還鄉樂簡書期逼迫請奉安輿
行祿養甘旨適母云程路遙關河多阻阨肝疾近未瘳跋
陟怕增劇汝妹又新寡離情安忍釋汝行毋念我王事愼
綜覈量移得近地就養暢歡懌汝但思飲冰我自甘茹蘗
相見彈指間小別輕一擲聆言心骨酸怛怛刺芒螫更欲
暫裴回又懼煩訓斥書劒整行裝扁舟維水柵歸家復辭
家悵如逆旅客

別友

不是無家別臨行倍黯然春花驚已落鄉月看重圓破有
盧仝屋空無趙壹錢故山居未得苦勸笑唬鵝

放舟

風帆帖帖逆波行去向天涯第一程到底多情是流水繞船都作別離聲

梁溪舟次寄吳門同學諸子

風滿帆孤浪蹴聲鴨頭綠漲水初生舟停碧嶂當窻立村近紅霞絢眼明圓月忽來如有約故人新別豈無情離鄉不遠添鄉思夾岸鶯啼夢不成

過毗陵喜晤蔣四侍御蓉龕

和寧

前輩

歷歷前塵彈指過隙駒光影半蹉跎西清舊雨尋盟少南國才人失職多飲酒豈爲子美累長貧不礙杜陵歌人生得失同蕉鹿莫向尊前喚奈何

丹陽阻風有作

碧柳維舟泊小村
閘開沙岸水留痕
雲高不受風牽引
天遠常隨浪吐吞
綠樹漁莊晴晒網
紅牆神廟畫闌門
居人淳朴真堪羨
馬磨牛衣長子孫

句容道上

春深花益麗
錦繡滿郊原
酒店藏村塢
茶亭傍寺門
民饒米價賤
市遠古風存
一抹栖霞色
遙青出短垣

望句曲山

華陽古洞天
山名曰地肺
翠影拔層霄
雲腰鎖螺黛
一氣關混茫
萬靈宅其內
聞昔三茅君
修真俗緣廢
雷雨役鬼神
陰陽洞明昧
金鼎內丹成
遐舉控鶴背
碧落超鴻濛
飈輪去無礙
位業圖中人
靈跡著歷代
鴻都掌道籙
玉印至

今在秘笈龍虎符書作飛霞佩紫虛劍氣騰能驅妖魅退
予幼慕元學企訪赤松輩悠悠墮塵海福地到難再偶來
眺雲峯峯峯出奇態紅霞一萬重儼與三島對遙叩雲中
君幾時許津逮星冠拜列真瓊文授十賚

孝陵詠古四首

崛起曾無尺土憑開天濠泗說龍興紫雲大澤藏真主白

馬空門度聖僧

帝在白馬寺爲僧

一劍親提膺寶命兩箋勸進奠金

陵周家枉鑿荆塗嶺王氣當年洩未曾

柴世宗以荆塗二山有王氣命鑿之後二百年

明太祖生

角鹿羣雄互盪摩興王草澤奮天戈少壯貧賤秦人贅戚
壓風雲猛士歌吳楚掃除正統定江淮形勢異人多奇祥

自古由天授舊史蕉園跡半磨

揚竿徒步張空拳武烈神謨易代傳定鼎功資褒鄂輩開
基治軼宋唐前北都繼葉添三案南渡殘枝擁一年野老
不知與廢事水天閒話釣魚船

三百丕基啟鎬鄴滄桑彈指又成空石麟草沒王侯墓鐵
馬風嘶禾黍宮芒碭雲山非舊宅枌榆父老話新豐長淮
近帶龍潛地春雨荒城鬼火紅

重過隨園訪袁簡齋前輩不值卽題小倉山房壁
吟壇旗鼓擅雄名把臂無緣快合并風馬神交經半世雲
龍道契訂平生名山製作千秋上秋水蒹葭廿載情載卽
松庵人寂寂只留白鶴款關迎

山寺訪藥根上人

輕款禪扉訪懶殘
夕陽旛影落空壇
小籠春圃人挑菜
清磬齋堂僧挂單
靜聽禽聲無限樂
遙疑竹翠不勝寒
猶餘十指旛檀氣
鐵筆流傳永不刊

上人精通六書兼工鐵筆

登浦口敵臺口占

寺鐘何處暮
鐘聲百尺高
臺萬木參野色
汀煙深似海
不容征客望江南

烏衣巷

王謝風流彼一時
春花如夢柳如絲
閒將六代江山恨
說與庭前燕子知

曉行滁州道中題句寄都中舊友

薄薄霜花點微裘嚴城形勢控神州青山似象迎人面紅
杏窺牆笑馬頭小別又成千里客曰歸重續十年游數聲
牧笛煙村曉殘月雲端玉一鉤

清流關

設險當年天塹同江淮控制地稱雄一九西塞雄圖遠百
戰南唐廢壘空環堞嵐光朝撲翠清時戍火夜銷紅玉門
此去平如砥容易千闕匹馬通

滁州過南滁王廟

郭子興

草昧方天造維王翊帝躬真龍潛破衲銅馬混羣雄日角
驚劉季刀頭識呂翁

明太祖至滁州爲門者所獲子興活之

再生開貳室一旅付

重瞳授柄憑專制摧枯起戰攻南都旋定鼎北伐遂發弓

戚晚諸郎替

王三子亡遂絕

王封異姓崇

洪武三年追封南滁王

張韓慚僞號徐

鄧讓先功此地臨濠泗當年等沛豐帝基資創造廟食表

孤忠奕嗣虛盟府賢妃共闕官

張夫

玉衣靈自肅鐵券義

俱隆一自滄桑改于今盼蠻同神弦春蹇田鬼馬夜嘶風

浩劫江山外荒祠風雨中奉常明詔在磨滅斷碑空

帝命太常卿張

來攸撰

廟碑

遊醉翁亭

馬蹄予才趁東風幽磻危橋曲曲通魚鳥亦知林壑美文

章應訝古今同四時景已虛良讌一醉人還重此翁自笑

讀書多結癖慚無著錄質宗工

符離弔宋張魏公潰師處

黃沙颺捲白日蔽荒原彌望荆榛翳枯骨飛灰鬼護頭陰
雨啾啾夜討祭南宋當年舊戰場金源曠騎銳莫當置酒
高會忌輕敵生兵十萬來汴梁顯忠苦戰宏淵遁忽思羽
扇搖清涼兵心瓦解成空壘河南之地不復矣耆師虎節
駐盱眙迢隔軍營四百里斷槍遺鏃半蟲沙納印難雪兩
宮耻至今落月懸孤城清淮嗚咽多死聲魏公盡瘁誓恢
復平生矢志誠忠貞吁嗟乎德餘于才難了事先見我服
蘇雲卿

壽陽道中

春陰低壓古城背淮上青山橫翠黛叢祠晝靜鵬相呼古
冢月明狐出拜六朝戰壘滿蒿萊梁武當年事可哀如此

迢迢芳草路青絲白馬舊曾來興廢千秋何足慨
暝色蒼茫呈萬態戍樓畫角客思家茅屋紅燈人守菜

宿州旅店見尹六似村題壁詩步原韻封寄三首
尊前曾記唱驪歌回首燕雲柰別何江上鶯花淮上月
青山比似故人多

絢春舊話夢悠悠我到江南子更愁畫舫銀鐙三月暮
一春游跡占花頭

淡墨紅螺贈妓詩玉關西去柳枝枝他時東閣重逢日
定話旗亭畫壁時

次西三舖王書田秀才率弟子來謁出素紙索句

口占二絕贈之

落拓名場志已灰
花前邂逅倒金罍
三家村裏春風帳也
見侯芭問字來

打頭破屋兀窮年
自笑囊無趙壹錢
土銼坐看茅店月一
宵閒話卽前緣

宿花莊戲同行者

蹀躞青驄弄影忙
綠楊門巷近花莊
全身鏡寫宜春髻半
臂衣翻入世妝
微曲愁聽金縷調
問名愛傍月輪香
忽忽又作銷魂別
莫怪腰支損沈郎

臨淮

鐵鎖連鉤界巨舟
長淮浩蕩走清流
境連濠泗新關隘社
遍枌榆古帝州
千丈魚龍波浪惡
十年鴻雁稻粱謀

鳳屬連歲

屢見災禍

小春廢縣征車邁喜見青青麥滿疇

臨淮被水縣遂廢

題旅次壁

日蒸水氣成雲去風捲沙聲作雨來澤國瘡痍艱活計村
陂莫慰客愁懷

會亭驛食櫻桃

節物陳珍果鶯含小摘頻景風剛紀候獨客又嘗新火齊
雙盤落筠籃萬顆勻明光曾侍直沾

賜逮詞臣

憩五女店喜雨

待澤經旬盼滿盈

時中州一月未雨

疾雷殷殷雨絲縈驟霑渴土飛

無力怒長新苗塋有聲農喜一犁歌斷續客支半枕夢淒

清晚來踏月騎驢去嵩少峯峯落眼明

拾菴澗

蔡順拾菴處

孝子遺祠潁水潯當年紫菴執筐尋
小人有母飢仍愁
楚無家歲屢祲誠至能褫羣盜魄
行奇只盡匹夫心
白頭鐙影慈幃遠歸夢前宵恨不禁

襄城道中作

長衢立馬路悠悠候吏郵亭耳語稠
羽檄風馳官點卒

時

兵過境

檻車月落鬼呼囚

額爾登額解進京

髮牽未免全身動巢破應

無完卵謀

聞楊重英已陷賊中

推轂近聞重擇帥好修矛戟快同仇
命

大學士忠勇傳公經畧漢事

洛陽旅館題壁

衰草荒寒一徑斜
棲鴉數點樹樞杈
孤村破屋愁中月
半壁孤燈夢裏家
未見征輪生四角
可堪歧路復三叉
青山無恙繁華盡
懶問名園富貴花

望嵩嶽三首

形勢神州亦壯哉
嵩高恰背汴京開
土中一柱撐三極
規外千山拓九垓
樞軸元功盤地轉
芙蓉翠影剡天裁
陰陽是處資和會
衮爵從來列鼎台

面南威柄足尊崇
厚德資生配厥功
網絡靈區播遠古
胚胎元氣貫當中
共球風雨圖王會
象緯星辰應帝宮
父老愛談游洛日
太平萬歲聽呼嵩

北宋東周迹久刊
懷柔仍及萬靈歡
雲埋紫蓋中峯出
蓋紫

峯七十二
峯最高處
天落黃河一帶寬
或有英靈降申甫
愧無手筆繼
崔韓他年好結吹笙侶
突兀青空鶴背看

古白楊關

陂陀壓層岡一線拆古境
土門呀然開峭敵
兩且并厓口
倒青楓還紅漏陽景
側坂縣修垠敲橋互危嶺
十步九紆折
虛光洞漠渚天風吹一葉
送我墮智井下視無底泉
悸魄怯引領馬足極蹣跚
凌躡澗松頂峯迴側身望
始覺占地迴

臥鐘歌

白楊關在招提東
停驂萊圃看臥鐘
頽垣斷礎兩寂寞
數尺下陷春泥中
斑斑璽赤鐵花汚
神螭尙蓄金環固篆體

疑從斯籀鑱銘文恨失支干據硃斑燄逼太陰暖翠暈光
凝九疑沍不知何代勅采銅山銅鑪金鬣血汞水鎔雷回
隱起形濩落萬夫曳綆如縋龍一百八聲吼朝暮不論神
姦魂膽懼誰知小劫閱紅羊蒲牢墮地鯨魚去雨淋日炙
歎年年神物沉埋大道邊終古不移資鎮寂洪聲自在任
投閒我來訪古頻摩撫東洛繁華何處所月明夢斷鳳凰
簫草深愁伴蝦蟇鼓

河底鎮山行

征軺人過麥寒天荏苒輕愁壓錦韉修徑忽穿鼇背上危
峯直墮馬頭前土厓崩裂多銜石穴屋荒涼半斷煙差喜
遺風勤稼穡綠雲如繡蔚山田

百福鎮夜雨

野店廉纖雨支更夜已深喜蘇枯麥病愁滴冷官心侵曉
鐙逾淡輕寒夢轉沉夢移銅井棹漠漠濕香林

嶠陵弔古

中原紛格鬪此地關提封浩蕩開重險輾轅達四衝河山
撐白骨風雨瘞青烽野哭全師失人謀詎弗庸

行至峽石聞家人已抵西安口占寄內

間關難免病愁兼三月青門暫滯淹曉起試看明鏡裏終
南翠色落睂尖

潼關

崇墉百雉跨山巔厓逼人從鳥路穿鎖鑰中原開四扇車

書大統達三邊奇爭嶽色河聲外雄據秦都漢闕前設險
到頭成破竹幾朝能守一九堅

望華嶽

蒼翠連朝潑眼濃亭亭馬首峙三峯勢侵天闕五千仞影
壓秦關百二重夜午已窺東極日雲深不落上方鐘焚香
默籲祈金帝何日探奇一拄筇

宋寇萊公祠四首

石碣春深繡蘚痕入門松檜畫昏昏樓臺何必上前起羸
得崇祠今古存

怡山潭映蔚藍天少華峯峯落眼前萬綠柳條春一色臨
風如舞柘枝顛

靈旗風捲綉帷開
五色流蘇費翦裁
時有村人來祭賽
筵前蠟淚也成堆

澶淵一策矢孤忠
隻手擎天再造功
淪謫榮華兩無戀
要從本色見英雄

渭南旅館阻雨遣懷作

馬瘖泥滑滯征鑣
誰料淹留幕復朝
破壁青燈風颯颯
空庭綠樹雨蕭蕭
已交炎夏秋相似
將近長安日果遙
幾度巡檐聽鵲噪
那知雲族卽難消

鳳凰原

爲尋鸚鵡谷卻至鳳凰原
青幙飄茅店黃花滿菜園
山晴雲斂迹林煖鳥爭言
唐相前時宅

韋嗣立構別業於此

猶堪認繚垣

灞橋

碧柳千株惹客愁
日斜風細灞橋頭
渴來自笑無詩思
走馬忽忽向隴州

嘉定門人錢沾編校

靈巖山人詩集卷二十一

靈巖山人詩集目錄

第二十二卷 古今體詩

隴頭吟

回中山謁王母宮四十韻

送春曲

見餅中折枝桃花

題寓樓壁

平涼行館聞承恩毅勇公明筠庭制府歿于緬甸軍營爲位哭之並制誄詩八章

寄題思潛亭

遊崆峒山



元鶴行

蕭關

彈箏峽

瓦亭

孤樹川

安定

巉口

胡麻嶺

定遠驛

東岡鎮

喜晤蔡三西齋

鴻業

方伯

五泉

蘭二首

觀棋絕句四首

夜坐

雨

蘭山行館坐雨

金城寓齋與坐上諸君述舊感賦

題吳紉秋小傳後十二首

霜災行

寧夏詠古

聞蛩

金城秋感

打更鳥

秋柳

宿古良沙蕭寺中庭翠柏叢篁景致幽絕牡丹
五株高數尺枝葉繁盛問之僧人不知何年
移植于此題壁二首

偶閱元人集齋中詠物八首

焦桐

蠹簡

殘書

舊劍

破硯

廢檠

塵鏡

斷碑

黃子久劒門小隱圖卷

題祁佩香遇蘭同年溪山雲樹卷三首

靈巖山人詩集卷二十二

鎮洋畢沅秋帆

一字
鑲蘅

隴頭吟

回中山謁王母宮四十韻

紅雲湧瑤房飄緲阻靈壑自非飈輪駕底處飛仙著西征
望隴阪馬首芙蓉落扶桑掛朝暎綠煙塞寥廓煙開露觚
稜闔闔手可摸羽衣漾晴霞斜徑穿林薄迂威上雲步迴
顧神錯愕上有化人居輕風語檐鐸百盤凌絕頂雙丸袖
底躍空同展翠屏清涇絡其腳谿轉松門古綠牆紅土堊
千年凌霄柏夾道陰漠漠祇謁青琳宇葳蕤垂繡箔仰瞻
金母容翠扇交花萼寶鼎香煙煴錦幡珠絡索玉殿敞高

寒仙扉局寂寞窈窕巡長廊路通九靈閣寒雲陣陣飛春
晚吹枯蕓高下疊雲根巧類鬼工鑿杳睇三光遙俯怯十
地弱瑤草滿階除應是長生藥漢武昔求仙龍輶駐青嶠
盤盛方朔桃局邀叔卿籜真靈紛如麻瓊漿手親酌可惜
戀萬乘塵心欠剗削拓土與傾城事事皆糟粕茂陵闕弓
劒涼雲綠不涸予少慕元契丹經窺秘橐靈飛定有符玉
笈豈無籥曾受步虛籙好製游仙作仙游夢十洲名字葢
珠託雙成飛瓊輩冷笑齊手拍導入光碧堂玉繩麗金雀
夜煮紫芝滄曉掇紅霞嚼羽觴斟沆瀣能令顏色澤夢醒
落塵寰卅年負雙屨今來謁元官方蓬景如昨脫屣匪難
事神仙事灼灼指點路虛無瑤池分一勺人影出天風學

乘珠樹鶴

送春曲

春日春明十四年年例設餞春筵春來無端去無迹柳
花不見塵連天客冬南歸冒風雪金閨正是芳菲節韶華
如夢夢如仙花影衣香兩奇絕靈巖夜雨虎邱燈翻似消
魂昔未曾紅豆徵歌杯乍暖白蘋停棹月初升廿番芳訊
忽如掃征人又走秦關道渡江烟景話姑蘇料理鶯花亦
草草回頭別思正淒迷爲惜餘春駐馬蹄羌笛一聲人萬
里柳條青到玉門西

見餅中折枝桃花

惱恨顛狂昨夜風催將芳事去忽忽山桃憐我無情思故

向明窗試小紅

題寓樓壁

飛樓蒼翠挹崆峒坐看亭亭落日紅
笑指太虛雲一片自思出岫不因風

平涼行館聞承恩毅勇公明筠庭制府歿于緬甸
軍營爲位哭之並制誄詩八章

倒叱風霆萬里行鼠車螳斧敢縱橫
大星昨夜前軍落噩夢中宵旅館驚挾纈
恩能酬死士裹尸志已畢生平雨昏
霧暗龍江畔鐵馬猶呼殺賊聲

蠻壘艱難百戰收誰教援絕墮奸謀

公長驅渡天生橋援師不進木邦路梗遂及于難

游

魂脅蠱亡精魄新鬼爭頭坐髑髏箕尾人歸垣宿朗旄頭

星壓塞雲愁可憐遺札塵

天覽聚米還思借一籌

公臨歿前手札六紙
間道送滇撫進呈

帶劔便繁侍未央妙齡血戰至窮荒椒塗懿戚三公貴

公為

孝賢
皇后姪

蔥嶺遐庭一面當

由伊犁將軍
督師雲南

生入玉門天再見死

標銅柱國難忘躬擐金鎖連環甲遺像丹青繪紫光

紫光閣
五十功

臣像公名

列第十六

半壁西南隻手支臨軒竚望捷音馳僨轅有恨輕開爨

督前

楊應

覆轍無謀又老師

都統額爾登額擁兵
新街不進故有此變

敵愾羣資諸將力

提督札拉豐阿總兵李
全觀音保亦力戰歿

捐軀仰答

聖人知曲江風度中朝重玉陛難忘曳履時

匹馬重圍矢石中礮車殷地夕烽紅沉灰又見昆明劫孤

注難成阿瓦功

天子責躬頒手詔相公專閫統元戎

命相國忠勇公經畧滇事

歸魂應戀

蘭滄路十月蒼山早挂弓

幕府征西寵命專慈祥不殺令名全誰知碧血璘班日猶是瓊枝旖旎年長樂小侯仍白面睢陽遺事入青編殺身本是貞臣事實爲朝廷惜此賢

春和園外慣停驂蘭臭當年我舊諳墮淚碑傳羊叔子耽書癖擬杜征南引杯看劍雄心在刻燭成詩夜語酣

此指公在戶部

也時華星邱山千古恨死綏真不愧奇男

雁序孤忠矢一心招魂江上隔楓林秋墳宿草埋雙璧

公弟

璠林額駙先歿永昌

芸篋殘書抵萬金

公有遺札並舊日唱和詩稿存篋中

挂去空悲吳札劍

爨餘宜碎蔡邕琴挑燈擬續英雄傳銀管瑤編涕不禁

寄題思潛亭

鎮原縣北

高風今已邈亭尙表潛夫雲嶠如屏障煙村似畫圖鐘聲
來遠寺春色在平蕪想見桃花日紅霞十里鋪

亭西有桃坡

遊崆峒山

笄頭障隴雲靈氣挾雙毗蕩搖虛無中羣峯倚天起奧區
洩神秀秦隴互表裏西極冠名山真靈寶萃此策馬衝風
煙泉壑鬪奇詭異境開恍惚一步一移徙盤旋入山心愈
進進不已千松萬松巔蒼翠潤石髓遠眺金銀臺瑤宮近
尺咫軒皇問道處丹竈未全圯鼎湖龍上升至道泯終始
日月沃精華石色變金紫我來游福地萬古一瞬耳塵鞅

絆羈蹤飛光迅如駛元鶴近可招白雲坦可履芝草長靈
苗食之能不死入山復出山欲問廣成子

元鶴行

空同南峯絕壁下鶴巢高嵌芙蓉朶胎禽孕精邃古初丹
穴幻毓元陰卵盤空羽化幾千年傳聞出世當堯天奇寒
大雪曾聞語明月吹笙定控仙邊風塞雪恒匿跡翔舞人
間亦偶然靈禽兩兩爲前導仙侶重逢是夙緣踏破煙霞
石磴仄車輪驀展摩天翼清唳霜高出九霄元裳影帶殘
陽黑充使遙傳閬苑書餐風那覓芝田食白雲無際碧山
青飛飛點破寥天色歌詠招鶴鶴歸來玉宇高寒聞闔闢
游戲滄溟水清淺御風送我到蓬萊

蕭關

北出朝那道寒沙淡落暉黃蒿蟠戰骨碧火點征衣霜雪
春猶在牛羊暮自歸荒村人影絕茅店酒旗飛

彈箏峽

劈面立壁青石門通邃谷雙崖插虛根細路容雙轂環抱
峯一重滌洄水一曲峯轉水亦轉委婉入山腹涇源出雲
頂滿空濺碎玉銀潢百道飛至此始一束地勢抱險隘溪
光漾寒淥馬上殘夢醒如聞奏琴筑

瓦亭

塞日淡無光雲霾翳蒼昊度隴賦西征驅車固原道岑樓
指故關遺鏃認殘堡

宋吳玠與金
兵戰於此

戰功難具論陳迹已如埽

踈地柳空腔拂天山四抱豔豔霏紅霞萋萋萌碧草馬蹶
路益艱鴛鴦春已老不知行役勞但覺邊景好金笳與玉
笛壯我篋中橐

孤樹川

隆德縣北

破縣多貧戶荒村帶小川搖峯陰自曲漾日影難圓岸抱
黃砂磧波縈碧柳煙分明香崦曲少箇釣魚船

安定

定西留廢堞訪古一停鞍泉斷民流徙山深地苦寒雄藩
開馬市降虜逼烏蘭三面臨邊地周防自古難

巉口

徑絕峯迴路又通曉行山月正朦朧征衫暗落孤鴻影古

驛寒嘶萬馬風一片芳菲殘夢外幾家團聚破窗中人生
苦樂真無定莫向前途泣轉蓬

胡麻嶺

安定西

傳聞博望留仙種此嶺因傳巨勝名武帝枉教求藥物不
知狗蝨可長生

定遠驛

小驛層崖下荒村落照中羣峯迷向背流水失西東澗底
炊煙直雲顛汲路通乍離城市遠衰草颯淒風

東岡鎮

四月金城道千山未放青風煙埋臘雪鎧火散春星田父
朝驅犢番僧晚課經征塵來往客蹤跡幾曾停

喜晤蔡三西齋

鴻業

方伯

半接街南舊結鄰退朝門外聽車麟問刑誰肯求生路交
友今猶見古人經學元長流澤遠書名忠惠得師真同舟
莫嘆粗官惡何計災餘濟鮮民

時甘省
連告祲

五泉

玉竇靈源樹杪生蘭山背挾古金城千峯雪閃禪鐙影萬
里河流戰鼓聲心了殘經能度劫血凝斷鑊會成精嫖姚
勲業飛塵盡奇傑難同佛力爭

蘭二首

九畹誰人薺青青翠帶翻秋風吹灃浦香影抱雲根獨夜
豈無夢相思不敢言何妨更移植只是莫當門

芳草復芳草曾邀楚客吟
譽推誰竟體言憶我同心影
寫溪堂壁香生石几琴何常
不可恃紉佩到而今

觀棋絕句四首

清簾疎簾坐隱偏參差月落
不成眠珠塵百斛渾輸卻只
先枰中一著先

勝固欣然敗勿嗔幾番落子
幾逡巡旁觀儘有高閒手白
眼看他當局人

國手須知審局先進攻退守
議紛然西南一角斜飛處急
劫分明在那邊

客散閒房穩據梧身如蜩甲
化枝枯輸贏萬事無成局懶
向鐙前覆舊圖

夜坐

紫柏胡牀水墨屏銅檠尺半燭熒熒全無一事成癡坐爲
有幽蘭插膽瓶

雨

閔雨臨初伏乾風撼徹宵金天炎勢灼火繖毒雲燒河底
交龜兆山頭舞魃妖渠枯淤地渴煙出石田焦頻歲逢災
祲三農廢蓂蔗旱徵今更甚生計益無聊救死餐枯草逃
荒墮破窖稻梁空雁戶雲霧翳龍綃漢驗豬豨浴孟翻蜥
蜴騎焚輪騰虐焰沒釜聽訛謠赤地耕奚補蒼生澤自慊
恒暘經六月甘澍錫崇朝黯黯迷蘭嶺飄零浥柳條密霑
鬆土滑急灑亂珠跳委草全含笑判花半浸腰聲稠聽愈

喜雲展勢偏遙簷溜飛銀練峯藏隱翠翹絃調琴帶潤墨
膩硯添潮敲枕眠難穩昏鐙燼復挑病夫愁骨冷邊邑瘴
氛消粒綻將枯麥犁翻未種政蓄泉防水厄入市漸糴饒
百物生精彩千村賽鼓簫迎涼新霽色簾月照清寮

蘭山行館坐雨

金鼎香銷掩畫寮琉璃八尺臥無聊泉翻雲影穿簾落風
挾河聲入塞驕客愛微涼祗薄暑天將靈澤潤枯苗空階
滴斷悠揚夢更鼓沉沉濕麗譙

金城寓齋與座上諸君述舊感賦

玉笙吹罷拂雲箋妙想靈容憶列仙曾是龍頭虛鳳望劇
憐馬齒逼中年世情飽盡翻雲手時命真同上水船後夜

鄰雞曉曉月壯心應倦著先鞭

題吳紉秋小傳後十二首

油壁迎來已十年花時惆悵送嬋娟
蘇臺一樣垂楊柳綠到蕭關絕可憐

芳名空向楚騷尋九畹秋風恨不禁
一縷香魂如未沫他年仍許結同心

雲窗霧閣傍蓮臺蓮性都因宿世胎
一盞香鐙半牀月拈針猶記繡如來

玉琢嬰兒贈一枚幾年裙帶重玫瑰
歲華帳底憑肩語此物曾聽密誓來

臨終將玉宜男一事解贈

三五雲鬟互頡頏芳情只爲月漪長
他時葉子金闥戲腸

斷春風姊妹行

月滴姓浦氏亦味嫌侍姬曾有
閨中行樂圖寫諸姬葉子戲

空房牆角罨蛛絲想像臨窗步履遲
寶鏡塵昏妝閣晚蘭山猶學絳仙睂

鴛衾獨擁淚縱橫夢欲圓來夢不成
春雨乍顛鎚又謝錯聽吳語喚卿卿

蓬島仙緣已渺茫靈芽纔茁又摧傷
可憐泉下重相見半歲孤兒未識娘

瀟瀟夜雨滴秋墳連理他年定不分
卻怪多情蘇玉局一坏海外葬朝雲

將錫葬
平陽

依然銀燭寫烏絲金翠宵罔擁髻時
一自麗人成死別微

霜漸已上吟髭

味嫌夢中詩有留
得餘生哭麗人句

木皮嶺外鴈南飛水態雲容轉眼非我向畫圖曾識面卷

中人是舊崔徽

味嫌曾囑題
初秋小照

聽雨樓空舊斷魂至今屈戌冷黃昏傷心忍問西陵路冷

翠愁紅滿墓門

聽雨樓余京
邸舊居也

霜災行

已丑秋仲又三日溟天黑霧飛颺疾須臾焚輪撼地地軸
翻人意倉皇鬼膽恍倏聞東鄰西舍驢馬驚又聞千村萬
落呼號聲撞窗冷氣砭肌骨非雨非雹屋瓦淅瀝中宵鳴
曉來農人入城滿路哭背負秋禾捆一束元霜殺死顆粒
無鶉衣鳩面何處謀餽粥隴頭山多土脈礮十年田功九
不熟今年伏雨幸優霑黃雲遍野秋可卜民命死生彈指

間一宵歲變豐凶局元楊司令最無情白虎憑威亦太酷
議捐議賑官倉開大府削牘陳霜災吁嗟乎旱災未甦遭
霜災金城月冷滿目愁蒿萊

寧夏詠古

降王執挺侍金鑾開國規模亦可觀掃穴功成期破竹養
癰患大在彈丸東京全力輸關隴西夏忠謀惜范韓創業
已留孱弱勢漫言奕葉振興難

聞蛩

唧唧淒鳴怨不休王孫牆角訴清愁喚回雞寒千家夢織
出鴛機一段秋金井雕欄流韻遠青苔白露浥香幽中年
節物偏增感月淡風涼擁錦裯

金城秋感

落日驅蓬跡因風過隴頭微茫鴻爪雪
曉晚客心秋月影
臨邊迴河聲入枕流畫屏銀燭燼無
意候牽牛

打更鳥

隴山有小鳥其名曰打更纖禽類實繁
此鳥含微靈紅衿
承翠頰五色光儀呈巧舌敵鸚鵡翻
羽炫鷦鷯一更打一
聲更更聲不停清音間鼓角幽響雜
柝鈴交交抱微智刷
翎頗自矜嗟爾鳥誠靈軀質蓋已輕
知時乏遠識謬謂心
瓏玲曷不守貞默寥廓任翱翔綴善
達禍鶯鳩利得朋
胡爲不自量簀鼓遲厥能翻令兒童
輩掩捕周邏偵四圍
密樊籠飄瞥落阱阮遂因以爲利計
直紛呶爭自誤受羈

繼飲啄恒凌兢爾智我弗取爾鳴我不平聲依蓮漏轉要
令實副名沉沉秋夜長輕颼響疎櫺殘閃羅幌頻喚愁
夢醒使我夜達旦開眼難爲情呼童亟放去毋使混我聽

秋柳

衰草寒雲入望平幾株殘影拂金城飄零闕塞逢今日旖
旎靈和似隔生南國銷魂愁浩蕩西風揮手涕縱橫美人
春晚芳條折一樣相思愴客神

宿古良沙蕭寺中庭翠柏叢篁景致幽絕牡丹五
株高數尺枝葉繁盛問之僧人不知何年移植
于此題壁二首

佛鐘打罷寂無譁殘夢纔醒月已斜錯認雲堂讀書處空

庭竹柏影交加

富貴繁華悟往因相看誰是此花身最憐第一傾城色冷落僧窗幾十春

偶閱元人集齋中詠物八首

焦桐

幾歷紅羊劫終含白雪音材疑生炭谷客聽易灰心軫稱
昆岡玉徽宜大冶金夜窗燈耿耿誰譜負薪吟

蠹簡

偶爾搜藤笈殘編理殺青蠶叢圖繭紙蛾術據麟經貫串
蟲魚注分明蝌蚪形冥心思誤處翻得省囊螢

殘畫

可惜驚溪絹前人付等閒數株留古木一角送殘山款識
依稀在坡陀斷續閒雖無寒具澆屋漏雨痕斑

舊劍

龜文何代物櫺具飾瓊英需犢人方賣如書學不成莊生
空著說薛燭或知名那用勤磨厲聞風魑魅驚

破硯

小苑疏籬角誰拋一段雲石田從割裂池水漫平分底用
求完璧猶堪補闕文爛熳火黯色火黯又名
聚斗焦疑是陸機焚

廢藥

牆根拋鳳脰累月不曾移親炙思前哲揚暉聽後期本無
埋照意未屈下帷時用舍寧庸論長歌笑退之

塵鏡

玉臺塵積久負局客無聞翳障潛相襲妍媸遂不分花藏
仙洞霧月隱海天雲儼自新猶易漸磨莫憚勤

斷碑

此碑誰所搨斷處字微昏缺陷知難補風神喜尙存儼非
橫廢寺卽係臥荒村可惜題名處牛傷礪角痕

黃子久劔門小隱圖卷

巒重嶂疊斧劈皴栗林桃鵑曉色新小橋跨谿徑沿岸茅
店柴門飄酒幔應是山村四月天煥風低罨焙茶煙一客
何來搯短策古木梢頭現樓宅宅有環堵樓無牆好挹山
色迎波光前橫竹几後石榻几列熏鑪琴匣分明舊日

硯山居屏後牙籤兩架書可知難免山靈哂如此林泉曷
歸隱輾轉單衾月影斜白雲歸夢隔天涯一帆風穩滄波
濶老屋秋藤正作花

題祁佩香

遇蘭

同年溪山雲樹卷三首

邱壑何當位置君此身更隱竟難分浮蹤幾載空飄泊也
筭無心出岫雲

小隱靈巖有墓田連宵歸夢浩無邊儂家卷畫溪邊住孤
負河山已廿年

金城折柳望車塵難定他年執手晨汾水鴈飛秋漸老碧
山紅樹憶詩人

長洲門人孫雲桂編校

靈巖山人詩集卷二十二